

Alumni UMS - Usahawan Fertigasi Berjaya

Terakhir dikemaskini: Isnin, 19 Mac 2018 16:58 | [Cetak](#) | Jumlah paparan: 1087

Kongsi 113

Syorkan 113

Kongsi

Tweet

Share



**ISNIN, 19
MAC -**
Mohamad
Farizal
Mohamad
Shawal,
alumni
Universiti
Malaysia
Sabah (UMS)
tahun 2003
hingga 2006
dari Fakulti
Psikologi dan
Pendidikan,
tidak
menyangka

penglibatannya dalam bidang keusahawanan pertanian membolehkan beliau bergelar usahawan berjaya melalui perniagaan fertigasi.

Mula menjalankan perniagaan itu pada tahun 2014, beliau kini mengusahakan lima lot rumah hujan berkeluasan 40x120 kaki seunit di lot tanah Jabatan Pertanian Serdang bagi tanaman 'Golden Melon' dan 'Rock Melon'.

Ketika menerima lawatan dari Pusat Alumni UMS baru-baru ini, beliau turut memaklumkan bahawa perniagaannya itu juga telah membuka cawangan di lokasi baharu di Teluk Panglima Garang Selangor bagi tanaman cili dan timun mini.

"Menjalankan perniagaan fertigasi pertanian penuh dengan cabaran terutama di peringkat awal tetapi dengan adanya tekad, ketekunan dan disiplin yang tinggi pasti akan membuahkan kejayaan," kata Mohamad Farizal.

Pemuda berasal dari Kuala Lumpur itu berkata, perniagaan tersebut memberikan pulangan yang baik apabila diurus dengan sempurna sambil mengongsikan pendapatannya yang kini mencecah hingga RM120,000 setahun.

Justeru, beliau mengajak orang ramai khususnya para alumni UMS untuk bersama-sama melibatkan diri dalam perniagaan fertigasi.

"Saya bersedia memberikan khidmat nasihat dan bimbingan kepada sesiapa yang mahu mempelajari perniagaan ini," ujarnya.

Mereka yang berminat boleh menghubungi Pusat Alumni UMS di talian 017-6809371.